

# Die Erste Predigt/ vber das

XI. Capitel in der Ordnung die  
XLVL

## TEXTVS.

**J**ephtha ein Gileaditer war ein  
streitbarer Held/ aber ein Durckind. Gile-  
ad aber hatte Jephtha gezenget. Da aber  
das Weib Gilead ihm Kinder gebar/ vnd  
desselben Weibs Kinder groß wurden/  
stießen sie Jephtha aus/ vnd sprachen zu ihm / du solt  
nicht erben in vnsers Vaters Haus/ den du bist eines an-  
dern Weibes Sohn.

## Erklärung.

**L**iebte vnd andechtige im HErrn Chri-  
sto/ der weise Lehrer Sprach/ als er die Sünd-  
zu rechter Gottesfurcht anmanen/ vnd dahin  
bereden wolte/ daß sie zur Zeit der Noth nicht  
frembde Götter anbeten/ sondern sich auff den  
HErrn ihren GOTT verlassen wolten / weiset er sie vnter an-  
dern auff die exempla irer Vorfaren/ die dergleichen gethan/  
vnd dessen keinen Schaden gehabt. *Syr. 2.*  
Sehet an/ spricht er/ die  
exempla der Alten/ vnd mercket sie/ wer ist jemals zu schanden  
worden/ der auff in gehoffet hat? wer ist jemals verlassen/ der  
in der Furcht Gottes blieben ist? oder wer ist jemals von in  
verschme-

0000

verschme-